

第七四三冊

經濟彙編

戎政典

兵制部

(卷)  
三一三

古今圖書集成

中華書局影印

# 古今圖書集成

中華書局影印

欽定古今圖書集成經濟彙編戎政典

第二十二卷目錄

兵制部彙考八

宋一 總一則 太祖建隆三則 乾德三則 雍熙三則  
開寶三則 太宗太平興國五則 真宗咸平四則  
三則 端拱二則 淳化一則 大中祥符八則 天禧二則  
則 景德四則

軍器監國初戎器之職領於三司曹案官無專職  
熙寧六年廢曹案乃按唐令置監以從官總判元豐  
正名始置監少監各一人丞二人主簿一人監掌監  
督繕治兵器什物以給軍國之用少監爲之貳丞參  
領之

殿前司 都指揮使 副都指揮使 都虞候各一

人掌殿前諸班直及步騎諸指揮之名籍凡統制訓  
練番衛戍守還補賞罰皆總其政令而有都點檢副  
都點檢之名在都指揮之上後不復置入則侍衛殿  
陞出則扈從乘輿大禮提點編排整肅禁衛園簿儀  
仗掌宿衛之事都指揮使以節度使爲之而副都指  
揮使都虞候以勅使以上充 騎軍有殿前指揮使

內殿直散員散指揮散都頭散祇候金鎗班東西班  
散直鈞容直及捧日以下諸軍指揮 步軍有御龍  
直骨朵子直弓箭直弩直及天武以下諸軍指揮

諸班有都虞候指揮使都軍使都知副都知押班  
御龍諸直有四直都虞候本直各有都虞候指揮使  
副指揮使都頭副都頭十將將虞候 騎軍步軍有

捧日天武左右四廂都指揮使捧日天武左右廂各  
有都指揮使每軍有都指揮使都虞候每指揮有指  
揮使副指揮使每都有軍使副兵馬使十將將虞候

承局押官各以其職隸於殿前司  
侍衛親軍馬軍 都指揮使 副都指揮使 都虞  
候各一人掌馬軍諸指揮之名籍凡統制訓練番衛

戍守還補賞罰皆總其政令侍衛扈從及大禮宿衛  
所掌如殿前司官所領馬軍自龍衛而下有左右四  
廂都指揮龍衛左右廂各有都指揮使每軍有都指

揮使都虞候每指揮有指揮使副指揮使每都有軍  
使副兵馬使十將將虞候承局押官各以其職隸於  
馬軍司

侍衛親軍步軍 都指揮使 副都指揮使 都虞  
候各一人掌步軍諸指揮之名籍凡統制訓練番衛  
戍守還補賞罰皆總其政令侍衛扈從及大禮宿衛

如殿前司所領步軍自神衛而下左右四廂都指揮  
使左右廂各有都指揮使每軍有都指揮使都虞候  
每指揮有指揮使副指揮使每都有都頭副都頭十

將將虞候承局押官各以其職隸於步軍司  
左右金吾衛上將軍 大將軍 將軍 中郎將  
郎將

左右衛上將軍 大將軍 將軍 中郎將 郎將  
左右驍衛上將軍 大將軍 將軍

左右武衛上將軍 大將軍 將軍  
左右屯衛上將軍 大將軍 將軍

左右衛官軍衛上將軍 大將軍 將軍  
左右監門衛上將軍 大將軍 將軍

左右千牛衛上將軍 大將軍 將軍 中郎將  
郎將  
諸衛上將軍大將軍將軍並爲環衛官無定員皆命  
宗室爲之亦爲武臣之贈典大將軍以下又爲武臣  
責降散官政和中改武臣官制而環衛如故蓋雖有  
四十八階別無所領故也

皇城司 幹當官七人以武功大夫以上及內侍都  
知押班充掌宮城出入之禁令凡周廬宿衛之事官  
門啓閉之節皆隸焉

(原闕詳考證)

三衛官 三衛郎一員秩比大中大夫中郎爲之貳文武各一員秩比朝議大夫博士二員主簿一員親衛府郎十員中郎十員 勳衛府郎十員中郎十員 翊衛府郎二十員中郎二十員文武各四十員

節度使 承宣使無定員 觀察使無定員 防禦使 團練使 諸州刺史無定員

大都督府 都督府 長史 左右司馬 錄事參軍 司戶司法司士 司理 文學參軍 助教

大都督及長史掌司牧尹闕則置知府事一人通判一人司馬不釐務舊制凡都督州建官如上下南渡後

以見任宰相充都督次有同都督有督視軍馬多執政爲之雖名稱略同然掌總諸路軍馬督護諸將非舊制比也

制置使不常置掌經畫邊鄙軍旅之事宣撫使不常置掌宣布威靈撫綏邊境及統護將帥督視軍旅之事

招討使掌收招討殺盜賊之事招撫使不常置

提舉保甲司掌什伍其民教之武藝視其優劣而進退之

提舉弓箭手掌沿邊郡縣射地弓箭手之籍及團結訓練賞罰之事

總管鈐轄司掌總治軍旅屯戍營房守禦之政令凡將兵隸屬官訓練教閱賞罰之事皆掌之守臣帶提

舉兵馬巡檢都監及提轄兵甲者掌統治軍旅訓練教閱以督捕盜賊而肅清治境凡諸營各籍賞罰之事皆掌之

路分都監掌本路禁旅屯戍邊防訓練之政令以肅清所部州府以下都監皆掌其本城屯駐兵甲訓練差使之事

巡檢司有沿邊溪峒都巡檢或番漢都巡檢或數州數縣管界或一州一縣巡檢掌訓治甲兵巡邏州邑

擒捕盜賊事又有刀魚船戰棹巡檢江河淮海置捉賊巡檢及巡馬遞鋪巡河巡捉私茶鹽等各視其名以修舉職業皆掌巡邏議察之事

鎮砦官 諸鎮置於管下人烟繁盛處設監官管火禁或兼酒稅之事砦置於險扼控禦去處設砦官招

收土軍閱習武藝以防盜賊凡杖罪以上並解本縣餘聽決遣

太祖建隆元年優恤將校軍夫詔殿前侍衛二司各揀驍勇者爲上軍又諸州選所部強壯教習精練以補禁旅之闕

按宋史太祖本紀元年六月上如潞辛卯錄陳沒將校子孫丁夫給復三年十一月己酉揚州民人脅隸

爲軍者賜衣履遣還庚戌給攻城役夫死者人絹三匹復三年 按兵志禁兵者天子之衛兵也殿前侍

衛二司總之其最親近扈從者號諸班直其次總於御前忠佐軍頭司皇城驍驍院皆以守京師備征伐

其在外者非屯駐屯泊則就糧軍也太祖鑑前代之失萃精銳於京師雖已增損舊制而規模宏遠矣建

隆元年詔殿前侍衛二司各閱所掌兵揀其驍勇升爲上軍老弱怯懦置剩員以處之詔諸州長吏選所

部兵送都下以補禁旅之闕又選強壯卒定爲兵樣分送諸道其後代以木梃爲高下之等散給諸州軍

委長吏都監等召募教習俟其精練即送闕下 又按志召募之制起于府衛之廢唐末士卒疲於征役多亡命者梁祖令諸軍悉斂面爲字以識軍號是爲

長征之兵方其募時先度人材次閱走躍試瞻視然後斂面賜以緡錢衣履而隸諸籍國初因之或募土

人就所在團立成取營伍子弟聽從本軍或募饑民以補本城或以有罪配隸給役取之雖非一塗而亢

健者遷禁衛短弱者爲廂部制以隊伍束以法令當其無事時雖不無賈賣衣廩之費一有討征則以之

力戰鬪給漕輓而天下獷悍失職之徒皆爲良民之衛矣初太祖揀軍中強勇者號兵樣分送諸道令如

樣招募後更爲木梃差以尺寸高下謂之等長杖委長吏都監度人材取之當部送闕者軍頭司覆驗引

對便坐分隸諸軍 又按志揀選之制建隆初令諸州召募軍士部送闕下至則軍頭司覆驗等第引對

便坐而分隸諸軍焉其自廂軍而升禁兵禁兵而升上軍上軍而升班直者皆臨軒親閱非材勇絕倫不

以應募餘皆自下選補 又按志廂兵者諸州之鎮兵也內總于侍衛司一軍之額有分隸數州者或一

州之管兼屯數州者在京諸司之額五隸宣徽院以分給畜牧繕修之役而諸州則各以其事屬焉建隆

初選諸州募兵之壯勇者部送京師以備禁衛餘留本城雖無戍更然罕教閱類多給役而已

按玉海建隆元年正月辛亥酬翼戴之勳殿前副都點檢則高懷德都指揮使則王審琦侍衛馬步軍副

都指揮使則石守信都虞候則張令鐸馬軍都指揮使則張光翰步軍都指揮使則趙彥徽國朝兵制禁

軍殿前侍衛司分領之殿前司領騎兵之額三十七步兵之額二十六侍衛司領騎兵之額三十五步兵之額八十三御前忠佐軍頭司領步騎之額四皇城司領步兵之額二左右驍院領騎兵之額二侍衛馬軍都指揮使以節度使充副都指揮使以觀察使以上都虞候以防禦使以上充侍衛步軍國初有都指揮使副使都虞候自後多缺

建隆二年改左右二軍名釋河東陝西弓箭手定兩司三衛分領天下兵  
按宋史太祖本紀不載 按兵志二年改左右雄捷左右驍武軍並為驍捷左右備征為雲騎左右平遠為廣捷左右懷德為懷順 又按志河東陝西弓箭手周廣順初鎮州諸縣十戶取材勇者一人為之餘九戶資以器甲芻糧建隆二年詔釋之凡一千四百人 按曹彬傳建隆二年彬遷客省使與王全斌郭進領騎兵攻河東平樂縣降其將王超侯霸榮等千八百人俘獲千餘人既而賊將改進率兵來援三戰皆敗之遂建平樂為平晉軍

按玉海殿前司始於周世宗太祖為殿前都虞候初詔募壯士送京師命太祖擇武藝精高者為殿前諸班而置都點檢位都指揮使上太祖由此受禪建隆二年閏三月戊辰慕容延釗罷自是都點檢不除殿前司與侍衛司馬軍步軍為三衛其實兩司而侍衛司都指揮使外又分置馬步軍都指揮使殿前司亦參馬步軍總於都指揮使兩司三衛合十一員分天下兵而領之此祖宗制兵之大略也三衛用邊臣戚里及軍班出身各一人太宗時侍衛都虞候以上各

置十員職位相亞易於遷改且使軍伍素相服習邊藩緩急亦得選用 又按玉海建隆二年五月甲戌令殿司及諸州升強壯退老弱初置剩員以處退兵建隆三年詔置弓手設等杖  
按宋史太祖本紀三年十二月丙戌詔置弓手視縣戶為差

按玉海三年五月帝以六師老壯不等乃蒐強壯曰兵樣其後更為木梃差以尺寸高下之制謂之等杖諸州設旗給賞募之  
乾德元年賜河東樂平降卒為効順指揮分命使臣調開西鄉兵赴慶州

按宋史太祖本紀乾德元年六月乙未詔荆南兵願歸農者聽八月辛卯以樂平縣為平晉軍降卒千八百人為効順軍人賜錢帛 按兵志四年賜河東樂平縣降卒元威以下二百六十六人衣服錢絹有差立為効順指揮 又按志鄉兵者選自戶籍或土民應募在所團結訓練以為防守之兵也周廣順中點秦州稅戶充保毅軍宋因之建隆四年分命使臣往關西道令調發鄉兵赴慶州

按宋史太祖本紀不載 按兵志云云  
乾德三年籍郡國驍勇兵詣闕置驍雄雄武克寧諸軍  
按宋史太祖本紀三年春正月乙亥詔瘞征蜀戰死士卒被傷者給繪帛夏五月丁亥賜將士衣服錢帛八月戊戌朔詔籍郡國驍勇兵送闕下九月己巳開諸道兵以騎軍為驍雄步軍為雄武並隸親軍壬申

詔蜀諸郡各置克寧軍五百人 按兵志三年四月詔改西川威化耀武等軍並為虎捷九月上御講武殿閱諸道兵得萬餘人以騎兵為驍雄步軍為雄武並隸侍衛司且命王繼勳主之給緡錢俾娶妻繼勳縱之白日掠人妻女街使不能禁帝聞大怒捕斬者百人小黃門閻承翰見而不奏亦杖數十  
按續綱目秋八月宋選諸道兵入補禁衛先是宋主詔殿前侍衛二司各閱所掌兵揀其驍勇者升為上軍至是命諸州長吏擇本道兵驍勇者送都下以補禁旅之闕又選驍壯卒定為兵樣分送諸道召募教習俟其精練即送闕下復立更戍法分遣禁旅戍守邊城使往來道路以習勤苦均勞佚自是將不得專其兵而士卒不至於驕惰趙普之謀也  
開寶二年五月庚申分命使臣率兵赴鎮潞  
按宋史太祖本紀云云  
開寶七年十一月黥李從善部兵及江南水軍為歸化軍

按宋史太祖本紀十一月癸未黥李從善部下及江南水軍一千三百九十人為歸化軍 按兵志開寶七年奉寧軍節度使李從善部下及江南水軍凡千三百九十人並隸面隸籍以歸化歸聖為額  
開寶八年發渭州平涼潘源二縣民為保毅  
按宋史太祖本紀不載 按兵志開寶八年發渭州平涼潘源二縣民治城墜因立為保毅弓箭手分戍鎮砦能自置馬免役逃死以親屬代因周廣順舊制也  
太宗太平興國二年置威勝軍詔改侍衛諸軍

按宋史太宗本紀三月己丑置威勝軍 按兵志太平興國二年詔改簇御馬直曰簇御龍直鐵騎曰日騎龍捷曰龍衛控鶴曰天武虎捷曰神衛骨錄子直曰御龍骨錄子直寬衣控鶴曰寬衣天武威武曰雄勇龍騎曰雄猛

太平興國五年二月戊辰廢順化軍

按宋史太宗本紀云云

太平興國六年置平塞安靜軍又置破鹵平戎軍及改皇城司

按宋史太宗本紀六年春正月癸卯置平塞靜戎二軍丙寅改靜戎軍為安靜軍三月丙辰置破鹵平戎二軍 按張齊賢傳初李氏據有江南民戶稅錢三千以上者戶出一人黥面自備器甲輸官庫出即給之日支糧二升名為義軍既內附皆放歸農至是言者以為此輩久在行伍不樂耕農乞遣使選充軍伍并其家屬送闕下齊賢上言江南義軍例皆良民橫遭黥配無所逃避克復之後便放歸農久被皇風並皆樂業若逐戶搜索不無驚擾法貴有常政尚清淨前敕既放營農不若且仍舊貫

按玉海皇城司在右承天門內北廊本名武德司太平興國六年十月甲辰改今名有皇城使會要云掌皇城管鑰木契親從親事官各籍冰井務隸馬分房四設吏十有九及命婦朝會須冰幹辦官本三人掌宮城出入禁令

太平興國八年改濮州平海指揮為崇武 按宋史太宗本紀不載 按兵志云云

太平興國九年轉改諸軍將校

按宋史太宗本紀不載 按兵志遷補之制自殿前侍衛馬步軍校每遇大禮後各以次遷謂之轉員轉員至軍都指揮使又遷則遙領刺史又遷為廂都指揮使遙領團練使員溢即從上罷軍職為正團練使刺史之本任或有他州總管鈐轄其老疾若過失者為御前忠佐馬軍都軍頭副軍頭隸軍頭司其黜則為外州馬步軍都指揮使凡軍主闕以軍都指揮使遷遷餘闕以諸軍都虞候指揮使副指揮使行首軍使副行首副兵馬使十將遞遷凡將校一軍管止補十人其廂都指揮使軍都指揮使都虞候指揮使營主其一即闕其三殿前左右班都虞候遙領刺史即與捧日軍都指揮使通以次遷捧日龍衛廂都指揮使仍遙領團練使若員溢即為正刺史補外他如諸軍例遞遷凡列校轉補有司先闕是躍上下馬次出指二十步掩一目試之左右各五占數為見物武藝弓射五斗弩彊一石五斗槍刀手稍練員罪不至徒年未高或雖年高而無疾精力不耗者並取之凡諸軍轉員後取殿前指揮使長入祇候填行門取東西班長入祇候殿侍諸班直充諸班押班諸軍將校者皆親閱前一日命入內都知或押班一人勾當御藥院內侍一人同軍頭引見司較定弓弩斗力標誌之凡弓弩藝等者占其一至日引見弓弩列置殿前命取一以射軍頭引見司專視喝箭以奏如喝失當即奏改正入內都知或押班同勾當御藥院內侍殿上察視如引見司不覺舉亦奏改正槍刀手竭勝負若喝不以實并引見司失覺舉並劾其罪太平興國九年上詣崇政殿轉改諸軍將校自軍都指揮使以下

員僚以上皆按名籍驗勞績而升陟之凡數日而畢內外感悅乃謂宰臣等曰朕遷轉軍員先取其循謹能御下者武勇次之若不自謹飭則其下不畏憚雖有一夫之勇亦何所用

雍熙元年遣使分詣河南東籍民為兵

按宋史太宗本紀不載 按李昉傳雍熙元年昉加中書侍郎王師討幽薊不利遣使分詣河南東籍民為兵凡八丁取一昉等相率奏曰近者分遣使籍河南東四十餘郡之民以為邊備非得已也然河南之民素習農桑罔知戰鬪一旦括集必致動搖若因而嘯聚更須翦除如此則河北閭閻既困於戎馬河南生聚復擾於萑蒲矧當春和有妨農作陛下若以明詔既頒難於反汗則當續遣使臣嚴加戒飭所至點募人情若有不安即須少緩密奏取裁庶免後患上嘉納之

雍熙三年九月戊寅賜北征軍士陣亡者家三月糧

按宋史太宗本紀云云

雍熙四年正月詔遷戰死士卒五月改殿前諸軍名置鎮戎軍罷河南諸路募兵

按宋史太宗本紀四年春正月丙戌詔應行營將士戰敗潰散者並釋不問緣邊城堡備禦有勞可紀者所在以聞遷葬骸死事者陳給其家錄死事文武官子孫五月庚辰改殿前司曰騎為捧日驍猛為拱辰雄勇為神勇上鐵林為殿前司虎翼腰弩為神射侍衛步軍司鐵林為侍衛司虎翼 按兵志雍熙四年改殿前司曰騎銅直指揮為捧日銅直曰騎改為捧日驍猛改為拱辰雄勇改為神勇上鐵林改為殿前

司虎翼腰弩改爲神射侍衛步軍司鐵林改爲侍衛司虎翼 按食貨志雍熙四年陝西轉運劉綜言宜于古原州建鎮戎軍置屯田今本軍一歲給芻糧四十餘萬石束約費茶鹽五十餘萬倘更令遠民輸送其費益多請于軍城四面立屯田務開田五百頃置下軍二千人牛八百頭耕種之又于軍城前後及北至木峽口各置堡砦分居其人無寇則耕寇來則戰就命知軍爲屯田制置使自擇使臣充四砦監押每砦五百人充屯戍從之

按續通鑑綱目四年帝將大發兵討契丹遣使募兵于河南北四十餘郡凡八丁取一以充義軍京東轉運使李維清曰若是天下不耕矣三上疏爭之李昉等亦相率言河南之民罔知戰鬪或慮人情搖動因而爲盜非計之得乃詔獨選河北而諸路悉罷

端拱 年羣臣上備邊策請於中太原河間建三大鎮以制敵

按宋史太宗本紀不載 按古今治平略端拱中北虜侵盜詔羣臣上備邊策諫大夫張洎上書言中國禦戎必依險阻今飛狐以東皆契丹所有地險盡失而河朔列壁城守具苦於無兵則兵分之過也請於中太原河間建三大鎮各統十萬之衆鼎峙而守視緩急爲策應仍命親王出臨魏府以控其要則契丹雖有精兵豈敢越而南侵制敵之方盡於此矣帝納之

端拱二年二月癸丑詔錄將校官吏功及死事使臣官吏子孫士卒厚給其家三月 按宋史太宗本紀云云

淳化五年置威塞清遠兩軍又分京師左右街營部及改青州杭州軍名

按宋史太宗本紀五年七月甲戌置威塞軍八月戌戌置清遠軍冬十月乙巳改青州平盧軍爲鎮海軍杭州鎮海軍爲寧海軍

按玉海淳化五年八月判左右金吾衛仗魏丕以新募千餘人引對崇政殿太宗親選得五百七十人其中取身品優者三人爲等分四營營設五都都有員僚節級一如禁兵之制命田守信知右街事帝以京師浩穰街司循警用禁軍非舊制特命左右街各置千人優以廩給使傳呼備盜至是始分營部令魏丕更召募以充其數

真宗咸平三年置靜樂軍詔定州等處分充禁軍河北籍壯丁

按宋史真宗本紀三年二月甲戌置靜樂軍 按兵志咸平三年詔定州等處本城廳子無敵忠銳定塞指揮已並升充禁軍馬軍雲翼指揮依逐州軍就糧令侍衛馬軍司管轄定州揀中廳子第一充雲翼第一第二充雲翼第二相州廳子第一充雲翼第三第二充雲翼第四保州無敵第一充雲翼第五第二充雲翼第六忠銳充雲翼第七威勇軍無敵第一充雲翼第八第二充雲翼第九忠銳充雲翼第十靜戎軍無敵充雲翼第十一寧邊軍無敵充雲翼第十二北平塞無敵充雲翼第十三深州無敵充雲翼第十四北面諸處應管本城定塞指揮已下鎮定州高陽關路都總管並充禁軍馬軍雲翼指揮纔候升立訖分析逐指揮員兵士人數就糧州府本指揮見在去處

以聞 又按志河北河東強壯五代時瀛霸諸州已置咸平三年詔河北家二丁三丁籍一四丁五丁籍二六丁七丁籍三八丁以上籍四爲強人五百人爲指揮使百人爲都置正副都頭二人節級四人所在置籍擇善騎射者第補校長聽自置馬勝甲者獨共戶役 又按志咸平初秦州極邊止置千人分番守戍上番人月給米六斗仲冬賜指揮使至副都頭紫綾錦袍十將以下皂綾袍 又按志咸平三年五月上御便殿選補軍職凡十一日而畢自神衛右第二軍都指揮使恩州刺史周訓而下遞遷者千三十一人

咸平四年詔陝西邊軍升禁軍立保毅募強人

按宋史真宗本紀不載 按兵志四年詔陝西沿邊州軍兵士先選中者並升爲禁軍名保捷 是年令陝西係稅人戶家出一丁號曰保毅官給糧賜使之分番戍守 又按志河北陝西強人皆戶強人弓手名號不一咸平四年募河北民詣契丹道路勇銳可爲閒伺者充強人置都頭指揮使無事散處田野寇至追集給器甲口糧食錢遣出塞偷斫賊壘能斬首級奪馬者如賞格虜獲財畜皆畀之 又按志四年十二月帝謂呂蒙正曰選衆求才誠非易事朕常孜孜詢訪冀有所得向求于軍校中趙擢八九人委以方任其閒王能魏能頗甚宣力陳與張禹珪亦有能名蒙正等曰才難求備今拔十得五有以見陛下知臣之明也 按高瓊傳咸平四年簡兵卒諸班直十年者出補軍校年老者退爲本班刺員瓊進曰此非激勵之道宿衛豈不勞乎自是八年者皆得叙補焉

按玉海咸平四年九月庚寅命使臣往陝西點檢籍軍係稅人戶家出一號曰保毅軍官給糧賜令分番守城壘遣御史吳舊與漕臣主其事五年正月己酉舊言凡得六萬八千七百七十五人其緣邊軍士先選中者升爲將軍名保捷

咸平五年募河北丁壯遣使分選諸州有力者爲禁軍增設指揮選環慶等州廂軍防砦以代禁軍

按宋史眞宗本紀五年二月乙酉詔邊士疾病戰沒者冬春衣聽給其家七月乙卯募河北丁壯按兵

志五年正月置廣捷兵士五指揮五月命使臣分往邠寧環慶涇原儀渭隴鄜延等州於保安保毅軍內

與逐處官吏選取有力者共二萬人各於本州置營升爲禁軍號曰振武指揮既而帝曰邊防關兵朝廷

須爲制置蓋不得已也候邊鄙又軍即可銷弭六月以河東州兵爲神銳二十四指揮神虎十指揮又升

石州廳子軍爲禁軍又以威虎十指揮隸虎翼又按兵志五年點陝西沿邊丁壯充保毅凡得六萬八

千人給資糧與正兵同戍邊郡又按志咸平三年河北置強人五年募其勇敢團結附大軍爲柵官給

鎧甲又按志五年帝謂知樞密院周瑋曰國朝之制軍員有闕但權領之三歲一遷補未及期以功而

授止奉朝請而已今闕員處則乏人部轄須當例與轉補于是名望等至便殿按軍籍次補其屯戍于外

及軍額在下素不該恩例亦薄及之凡再旬方畢又按志五年陝西緣邊丁壯充保毅者至六萬八千

七百七十五人七月以募兵離去鄉土有傷和氣詔諸州點充強壯戶者稅賦止令本州輪納有司不得

支移之先是河北忠烈宣勇無人承替者雖老疾不得停籍至是詔自今委無家業代替者放令自便自是以至天禧間并代廣銳老病之兵雖非親屬而願代者聽河北強壯恐奪其農時則以十月至正月旬休日召集而教閱之忠烈宣勇廣銳之歸農而闕員者並自京差補戍于河上而歲月久遠者則特爲還補貧獨而無力名替者則令逐處保明放停當是時河北河東有神銳忠勇強壯河北有忠順強人陝西有保毅砦戶強人強人弓手河東陝西有弓箭手河北東陝西有義勇麟州有義兵川陝有土丁壯丁荆湖南北有弩手土丁廣南東西有槍手土丁邕州有溪洞壯丁土丁廣南東西有壯丁又按志五年於環慶等州廂軍馬步軍六千餘人內選材勇者四千五百人付逐砦屯防以代禁兵

按玉海咸平五年正月甲寅置廣捷兵五指揮先是帝聞南方以標槍旁牌爲兵器命有司製之帝卽位

令內侍蕭延詒取廣德軍教習至是試於便殿悉呈其技頗精練帝以爲可用捕賊守邊特立爲是軍仍

選神威等軍充其數六月四日以河東州兵爲神銳二十四神虎指揮十先是命張延禧乘傳料簡萬三

千餘人立此軍訓習又按玉海咸平五年加楚王元佐左羽林上將軍舊制六軍置統軍無上將軍之名蓋有司之誤

又按玉海咸平五年二月壬辰以涇原環慶騎兵之半易河北步兵五月籍河南民丁爲兵

咸平六年十月戊寅給軍中傳信牌十二月庚申遣使西北勞賜將士

按宋史眞宗本紀云云

按玉海六年六月二十五日壬午以威虎十指揮隸虎翼先是邊兵扞寇虎翼多勝蓋用勁弩也時新置威虎皆材勇之士故以增之以威虎十指揮隸

景德元年班用兵誅賞格改威威軍名遣使分詣河北河東集強壯簡習陝西緣邊諸州保毅威振武軍

四十指揮按宋史眞宗本紀元年秋七月癸未班用兵誅賞格

九月癸未罷北面齋御劍內臣以劍屬主將十二月癸卯遣使撫問河北東西路官吏將卒訪察功狀甲

辰改威威軍名按兵志景德元年遣使分詣河北河東集強壯借庫兵給糧訓練非緣邊卽分番迭教

寇至悉集守城寇退營農按玉海景德元年七月陝西轉運司西面緣邊諸州

於保毅軍內簡習成振武軍四十指揮帝曰數年前西賊遠圖靈州諸路總管遣人乘傳飛奏請授兵者

曾無虛日時以河東兵不可減議立此兵尚慮簡閱未精允食邊廩又累遣使選擇所存皆少壯拳勇漸

習武藝朕詢于知兵及詳練邊事者皆云自立此軍邊聲頗振戎人知懼矣

景德二年正月放河北強壯歸農罷諸路行營部署省河北緣邊戍卒給弓箭手閒田又定殿前馬步諸

軍及內外指揮小校還補例按宋史眞宗本紀二年春正月壬子放河北諸州強

壯歸農令有司市耕牛給之癸丑罷諸路行營合鎮定兩路都部署爲一乙卯罷北面部署鈐轄都監使

臣二百九十餘員遣監察御史朱搏赴德清軍收瘞

戰沒遺骸戊辰省河北戍兵十之五綠邊三之一所  
在量軍儲饋給勿調民飛輓 按兵志景德二年鎮  
戎軍曹瑋言有邊民應募爲弓箭手者請給以閒田  
獨其徭賦有警可參正兵爲前鋒而官無資糧戎械  
之費詔人給田二頃出甲士一人及三頃者出戰馬  
一匹設堡戍列部伍補指揮使以下據兵有功勞者  
亦補軍都指揮使置巡檢以統之其後鄭延環慶涇  
原并河東州軍亦各募置慶曆中諸路總三萬二千  
四百七十四人爲指揮一百九十二 又按志二年  
宣示殿前侍衛司諸禁軍中老疾者衆蓋久從征戍  
失於揀練每抽替至京雖量加閱視亦止能去其尤  
者今多已抽還宜乘此息兵精加選揀雖議者恐其  
動衆亦當斷在必行昔太祖亦嘗患此遂盡行揀閱  
當時人情深以爲懼其後果成精兵樞密使王繼英  
等曰今兵革休息不乘此時遴選實恐充兵徒費廩  
食帝曰然近者契丹請盟夏人納款恐軍旅之情謂  
國家便謀去兵惜費乃命先於下軍選擇勇力者次  
補上軍其老疾者俟秋冬慎擇將臣令揀去之 又  
按志二年四月帝曰殿前諸班侍衛馬步諸軍及軍  
頭司諸軍員因衰病或以他事出補外職率皆臨事  
奏裁殊無定制可條其所入職名類例以聞又曰近  
累有諸處立功指揮使未可別加遷擢皆特補本軍  
都虞候舊無此職名蓋權宜加置若後有闕不須復  
補又曰內外諸軍所闕小校倘以名次遷補或慮不  
能盡得武幹之士自今並令閱試武藝遷擢爲之  
景德三年置清平宣化軍減鄭延戍兵又詔川陝戍  
兵更代及以效順軍補虎翼

按宋史眞宗本紀三年夏四月己卯置清平宣化二  
軍乙酉置河北緣邊安撫使副都監于雄州秋七月  
壬寅減鄭延戍兵八月戊寅詔川陝戍兵二年者代  
之 按兵志三年正月詔遣樞密都承旨韓崇訓等  
與殿前司侍衛馬步軍司揀閱諸軍兵士供備庫使  
帶御器械慕容敏等分往京東西路揀閱八月詔敘  
順第一軍赴京揀閱以補虎翼名闕是軍皆河東人  
帝念其累戍勞苦故升獎焉  
按玉海三年七月十日令河北治振武軍營合十一  
月罷募振武軍有願投者令隸虎翼  
景德四年減并代戍兵頒宜州賞格詔河東諸軍以  
見存爲定額  
按宋史眞宗本紀四年夏五月辛亥減并代戍兵屯  
河東以省饋運八月己酉頒宜州立功將士賞格  
按兵志景德四年詔河東廣銳神銳虎軍以見存  
爲定額缺則補之 又按志景德四年七月如京使  
何士宗言詔條禁軍將士依等級並行伏事之理違  
者按軍令其廂軍將士等未立條制欲望約前詔減  
一等定令帝曰禁衛兵士無他役使且廩給優厚欲  
其整肅有所凜畏故設此條禁今以廂軍約此施行  
恐難經久况尊卑相犯自有條律不行可也十二月  
詔廂軍及諸州本城犯所部決杖訖並移隸他軍內  
情理重及緣邊隨軍奏裁  
大中祥符元年置河東緣邊安撫司詔閣侍衛司保  
寧軍士分爲四等安置及兵士犯罪條例  
按宋史眞宗本紀元年八月庚子置河東緣邊安撫  
司 按兵志大中祥符元年詔侍衛步軍司閱保寧

軍士分爲四等其第一等從營亳州永城縣餘聽歸  
農無家可還者隸諸州爲刺員 又按志大中祥符  
元年詔應諸道州府軍監廂軍及本城指揮自都指  
揮使已下至長行對本轄人員有犯階級者並于禁  
軍斬罪上減等從流三千里上定斷副兵馬使已上  
勘罪具案聞奏廂軍軍頭已下至長行準敕犯流免  
配役並徒三年上定斷只委逐處決訖節級已上配  
別指揮長行上各長行決訖配別指揮下名收管如  
本處別無軍分指揮即配鄰近州府軍監指揮收管  
內別犯重者自從重法其諸司庫務人員兵士有犯  
上件罪名者並依前項廂軍條例施行  
大中祥符二年詔流配諸軍揀選量移赴闕合龍騎  
爲六營  
按宋史眞宗本紀不載 按兵志大中祥符二年四  
月詔曰江南廣東西流配人等皆以自抵憲章久從  
配隸念其遠地每用軫懷屬裔嶽之增封洽溥天之  
大慶不拘常例特示寬恩江南路宜差內殿崇班段  
守倫就昇州洪州廣南東西路差殿直閣門祇候彭  
麟就桂州與本路轉運使同勾抽諸州雜犯配軍揀  
選移配淮南州軍牢城及本城有少壯堪披帶者即  
部送赴闕當議近上軍分安排如不願量移及赴闕  
者亦聽若地里遠處即與轉運使同乘傳就彼依此  
揀選  
按玉海大中祥符二年五月合龍騎十二營爲六  
大中祥符四年詔定禁軍轉補例募兵守籠竿蕃部  
又以未安兵升禁軍  
按宋史眞宗本紀四年九月丁丑涇原鈐轄曹瑋言

龍竿川熟戶蕃部以閒田輸官請于要害地募兵以居從之 按兵志四年宣示永安縣未安指揮兵八千餘人以奉諸陵其知軍額猶隸西京本城廂軍可賜名奉先指揮升為禁軍在清塞之下 又按志四年七月詔曰自來轉補軍員皆是議定降宣命訖方引見轉補其間有老病不任職者臨時易之無由整齊經汾陰大禮應殿前馬步軍諸班諸軍員並分作甲次于崇政殿逐人唱名引見朕自視之有不任職者當于不係禁軍處優與安排免轉員之際旋議改易八月詔殿前侍衛馬軍步軍司所管內外禁軍軍員自來轉補體例不一未得均平朕夙夜思之今來該份陰轉員可立久遠規制其馬軍步軍自指揮使以下各別轉補皆令自下而升仍將殿前侍衛馬軍步軍司所轄軍分各袞同轉補如馬軍軍員自近下補至拱聖即雙取之以分補捧日龍衛其近下軍分有闕即却自捧日龍衛雙取升一員資補填其步軍有闕填補並準此又詔所議改更轉補軍員職名恐諸軍未喻可降宣命云殿前侍衛馬步軍司自來多是龍衛更轉入捧日並神衛更入天武之類是致難得出職久成沈滯今來轉員出自朕意並各與分兩頭遷改其龍衛更不入捧日并神衛更不入天武其捧日龍衛闕于拱聖內隔間取人分頭充填其拱聖闕即將驍騎雲騎分頭轉入其天武神衛闕于神勇內隔間取人分頭充填其神勇闕即將宣武充填其宣武闕取殿前步軍司虎翼充填以上如取盡指定軍員即轉以次軍員充填所有軍期軍分次第請受並轉員出入今後並特與依驍勝體例施行

按玉海大中祥符四年八月二日詔內外禁軍軍員補轉未均今汾陰轉員宜立久遠規制 大中祥符五年詔徙澄海三指揮屯嶺北又揀選在京軍校及內外諸軍 按宋史真宗本紀五年九月癸酉詔徙澄海三指揮屯嶺北州郡 按兵志五年正月帝諭知樞密院王欽若等在京軍校差充外處人員軍數不足有妨訓練可詔示殿前侍衛馬步軍司簡補禁軍逐指揮兵士內捧日上三軍要及三百人龍衛上四軍各二百五十人拱聖驍騎驍勝朔神騎雲武騎各三百五十人並于下次軍管升填須及得本額等樣及令軍頭司于諸處招揀到內選填營在京者引見分配在外處者準此仍委逐司壁畫開坐以聞在京差出者候替回揀選 又按志五年二月上諭王欽若等累議老病之兵漸多在京者令逐司將臣外處者散差諸司使副揀選可指揮所揀殿前侍衛馬步軍司今先逐指揮自指揮使已下據見管兵士除堪任披帶征役外其自來懦弱教閱不出之人及老病不堪者籍其名供申次第管轄處各就逐營看詳定奪然後繳申逐司與差去使臣同其揀選如有協情不當即具始末以聞其廂軍都指揮使以下並當嚴斷外處揀就糧兵士亦如之又宣示外處就糧諸軍有捧日天武第七第九第十軍軍額皆是自上軍經兩三度揀選以其久處禁衛不欲便揀落特設上件軍額處之朕深慮揀兵臣僚軍頭等同諸軍例更揀配下軍可偏論之老病者便放歸農內契丹渤海日本外國人恐無倚倚特與收充本軍刺員又所差臣僚軍

頭赴外處揀人緣軍分指揮及出入次第名目體例甚多令樞密院具合行條約及施行事件並畫一處分令遵守施行又殿前侍衛馬步軍司自來揀下披帶禁軍量減衣賜月糧充刺員並無定額散在逐營拘繫不獲營生官中所給歲計不少可乘此時一例揀選除老病者放歸農外據諸軍見管人數額定充看管刺員餘並撥并一處收管以備令赴諸處祗應既有定額必不敢多揀充刺員又詔承前遣使取內外軍中疲老者減給俸糧之半以隸刺員今可簡閱使歸農其合留者亦據逐營給役數外別為營舍處之內契丹渤海日本外國人慮無所歸且依舊仍令所至州郡並與總管幹轄閱驗連書其狀具當去雷之數及引視軍校之不任職者附驛以聞其當從隸軍額即就配近便州郡緣邊者徙于內地並與本州官吏移牒轉送當停者給與公驗止許居本州歲申上其籍並給次月俸糧裝錢日食遣之所簡馬但筋齒弱老病不瘳者件析以聞在京殿前馬步軍司有所升退即時具名籍申樞密院未當者悉改正之當徙者給裝錢在道只給糧當停者給一月俸糧勿復奏裁外州軍士當降以次軍分者所隸州郡聽自擇又詔廣南東西荆湖南湖北福建江南京西等七路諸州府軍監見管雜犯配隸軍人等各差使臣一人馳驛往逐處與轉運使副或提點臣僚知州通判幹轄都監監押同其揀選就近體量人數分配酌近州軍本城收管如年老病患實久遠不任醫治充役者放令逐便其少壯者即差人管押赴闕引見當議選配近上軍分如不願量移及赴闕者亦聽其便仍于

軍分量與遷改如地遠勾抽遲延即馳驛分路簡訖具析以聞

大中祥符六年詔遷轉諸軍員置營金明池習水戰立虎翼軍

按宋史眞宗本紀不載 按兵志大中祥符六年冬十月詔諸班直并馬步軍事軍員其諸班捧日龍衛天武神衛五頭下出入外其御龍諸直作一處轉員僚直拱聖驍騎雲騎驍勝武騎寧朔神騎已上軍額軍員作一處挨排遞遷水軍神勇宣武殿前司虎翼衛聖步軍司虎翼奉節廣勇神射已上軍額軍員作一處挨排轉補事內殿前指揮使押班至都知只本班轉其神衛廣勇神射已下至軍使都頭即逐指揮內遞遷內有年及六十已下者並勾押赴關令殿前司看驗聞奏當議相度安排所有副兵馬使副都頭員闕仍取捧日龍衛神勇十將充填餘並從之內神衛水軍第一指揮令立充神衛水軍指揮殿前司上虎翼第二步軍司上虎翼第一並立充虎翼水軍指揮依舊係逐司管押其神衛水軍見管軍員先自奉節補入多不會舟楫並一齊轉上外却將虎翼水軍兩指揮會水軍員與神衛水軍共三指揮一處衰轉如轉至神衛水軍指揮使除年老病患依例出職安排外更不轉上

按玉海初太祖置神衛水軍以習舟師及江淮平不復用大中祥符六年七月詔在京諸軍內選江淮習水卒於金明池試戰棹立爲虎翼軍置營於池側其江浙淮南諸軍並令准此選卒置營

大中祥符七年簡補神衛水軍給賜河東沿邊將士

更代嶺南戍兵

按宋史眞宗本紀七年秋八月乙丑給河東沿邊將士皮裘毳襪辛巳詔嶺南戍兵代還日人給裝錢五百 按兵志七年詔今後軍回在京者且未編排依例引見內有老疾合配外處軍分及看倉庫草場神衛刺員并看營刺員等與限歇泊半月後編排引見訖限五日般移其外處軍迴經過兵士並依此例仍見訖與假十日令移隸所配處

按玉海七年五月詔諸州簡兵有善水者以補神衛水軍

大中祥符八年詔賜環州邊卒薪水錢置禁軍左右清衛二指揮

按宋史眞宗本紀八年春正月乙酉詔環州緣邊卒人賜薪水錢 按兵志八年置禁軍左右清衛二指揮在雄武弩手之上散卒月給鐵錢五百以奉宮觀

又按志八年詔諸路轉運司殿前侍衛馬步軍軍頭司三司宣徽院開封府諸司庫務等處人員兵士等如內有殺賊得功及諸般使喚得力者或因官中取索之時具詣實結罪供申所轄去處保明申奏

大中祥符九年詔揀選河北河東陝西諸州軍升爲禁軍

按宋史眞宗本紀九年十一月乙巳詔河陝諸州簡禁軍五百人 按兵志九年十一月詔河北河東陝西諸州軍揀料本城兵五百人以上升爲一指揮于本處置營教閱武藝升爲禁軍 又按志祥符中重定等杖自五尺八寸至五尺五寸爲五等諸州部送闕下及等者隸次軍

天禧元年遣使揀選諸路軍升爲禁軍授御前郭豐等將軍又令內職攝環衛

按宋史眞宗本紀不載 按兵志天禧元年二月遣使分往諸州軍揀廂軍驍壯及等者升隸上軍六月召選天下廂兵還隸禁軍者凡五千餘人 又按志元年十月以御前忠佐郭豐等六人並授將軍初軍頭司定年老負犯者將黜之帝以其久居武列命真環衛其帶遙郡者與大將軍不帶遙郡者與將軍

按玉海龍武羽林神武六軍掌郊祀朝會儀仗判司官一人以判金吾街仗將軍兼領左右各三軍自左右衛以下官名存而事廢太祖太宗朝以處將帥後多以皇族爲之天禧元年令內職兼攝環衛 又按玉海天禧元年三月御史臺請增置常朝武官遂以慕容德琛等爲諸衛大將軍率府率 又按玉海天禧元年十月諸班直諸軍分三番引驗於崇正殿天禧二年簡閱河北禁軍

按宋史眞宗本紀不載 按兵志二年詔河北禁軍疲老不任力役者委本路提點刑獄臣僚簡閱不得庇匿以費廩糧 按食貨志眞宗時內外兵凡九十一萬二千

欽定古今圖書集成經濟彙編戎政典

第二十三卷目錄

兵制部彙考九

宋二 仁宗天聖三則 慶曆八則 明道一則 景祐三則 康定一則 嘉祐六則 英宗治平四則 至和二則



戎政典第二十三卷

兵制部彙考九

宋二

仁宗天聖元年徙陝西緣邊軍馬屯內地詔諸路募兵

按宋史仁宗本紀元年冬十月辛酉朔徙陝西緣邊軍馬屯內地 按兵志天聖元年詔京東西河北河東淮南陝西路募兵當部送者刺指揮二字家屬給口糧兵官代還以所募多寡爲賞罰又詔益利梓夔路歲募民充軍士及數卽部送分隸奉節川効忠川忠節於是遠方健勇失業之民悉有所歸 又按志由天聖至寶元閒增募諸軍陝西蕃落廣銳河北雲翼京畿廣捷虎翼効忠陝西河東清邊弩手京西江淮荆湖歸遠總百餘營  
天聖六年定諸軍將校轉員例  
按宋史仁宗本紀不載 按兵志天聖六年將轉員樞密院奏諸軍將校有因循不戢士卒者請諭殿前馬步軍司密以名聞

天聖八年詔定諸軍排立資次又定禁軍選補法 按宋史仁宗本紀不載 按兵志八年詔殿前侍衛司同定內外諸軍排立資次 又按志天聖閒嘗詔樞密院次禁軍選補法凡入上四軍者捧日天武弓以九斗龍衛神衛弓以七斗天武弩以二石七斗神衛弩以二石三斗爲中格恩翼員僚直驍捷軍士選中四軍則不復閱試自餘招揀中者並引對凡員僚直關則以選中上軍及龍衛等樣弓射七斗合格者充仍許如龍衛例選補班直凡選禁軍自奉錢三百已上弓射一石五斗弩聽三石五斗等樣及龍衛者並親閱以隸龍衛神衛凡騎御馬直關下底則閱拱聖驍騎少壯善射者充凡弓手內殿直以下選補殿前指揮使射一石五斗御龍弓箭直選補御龍直御龍骨朵子東西班帶甲殿侍選補長入祇候御龍諸直將虞候選補十將射皆一石四斗東西班散直選補內殿直捧日員僚直天武龍衛神衛親從選補諸班直御龍骨朵子直弓箭直將虞候選補十將御龍直長行選補將虞候射皆一石三斗員僚御騎御馬直小底選補散直射皆一石二斗凡弩手東西班帶甲殿侍選補長騎祇候射四石御龍弩直將虞候選補十將射三石八斗長行選補將虞候射三石五斗其捧日天武龍衛親從選補弩手班御龍弩直者亦如之其次別爲一等減二斗自餘殿前指揮使諸班直以歲久若上名出補外職者所試弓弩斗力皆遽減弓自一石三斗至八斗弩自三石二斗至五斗各有差凡班直經上親閱隸籍者有司勿復按試其升軍額者或取少壯拳勇或旌邊有勞至於河清遽

補半城配軍亦閒下詔選補蓋使給役者有時而進負罪者不終廢也其退老疾則以歲首或出軍回轉員皆揀汰上軍以三歲河北遇大閱亦如之 明道二年十二月丁巳禁邊臣增置堡砦  
按宋史仁宗本紀云云  
景祐元年詔戍卒分隸諸將大將不得選置麾下並選拱聖諸軍不任者免爲民  
按宋史仁宗本紀不載 按兵志屯戍之制凡遣上軍軍頭司引對賜以裝錢代還亦入見犒以飲食簡拔精銳退其癯老至於諸州禁廂軍亦皆戍更隸州者曰駐泊戍蜀將校不遣都虞候當行者易管他營凡屯駐將校帶遙郡者以客禮見長吏餘如屯駐將校凡駐泊軍若捍禦邊寇卽總管幹轄共議州長吏等毋預事涉本城并屯駐在城兵馬卽知州都監監押同領若州與駐泊事相關者公牒交報凡戍更有程京東西河北河東陝西江淮兩浙荆湖川峽廣南東路三年廣南西路二年陝西城砦巡檢并將領下兵半年景祐元年詔若聞陝西戍卒多爲大將選置麾下及偏裨臨陣鮮得精銳自隨自今以全軍隸逐將毋得選占 又按志景祐元年詔選教驗填拱聖諸軍退其老疾爲剩員不任役者免爲民  
景祐二年詔定邊兵還補  
按宋史仁宗本紀不載 按兵志景祐二年詔緣邊就糧兵有員闕奏以舊人充選  
景祐三年詔選填驍騎諸軍又詔廣南六州各置雄略營  
按宋史仁宗本紀三年二月甲子以廣南兵民苦瘡

毒爲置醫藥 按兵志三年詔選驍騎雲騎驍勝填拱聖武騎寧朔神騎填驍騎 又按志三年詔廣柱荆潭鼎澧六州各置雄略一營與歸遠軍更戍嶺外康定元年募置強壯軍及弓手給賜戰士有差頒銅符木契傳信牌

按宋史仁宗本紀元年春正月詔陝西運使明鎬募強壯備邊二月壬辰出內藏緡錢十萬賜戍邊禁兵之家三月辛未詔延州錄戰沒軍士子孫月給糧夏四月丙戌省陝西沿邊堡砦卒已詔諸戍邊軍月遣內侍存問其家病致醫藥死爲斂葬之甲午遣使籍陝西強壯軍乙巳增補河北強壯軍六月甲辰增置陝西河北河東京東西弓手八月辛亥詔范仲淹葛懷敏領兵驅逐塞門等砦蕃騎出境仍募弓箭手給地居之十月乙未製銅符木契傳信牌甲辰錄方略士六十一人授官有差 按兵志康定元年詔三路就糧將校半以次遷半遣自京師又詔陝西土兵校長遣自京師情不諳達自今悉就本路通補 又按志康定元年選御輦官爲禁軍輦官二十六人遮輔臣諱訴斬其首二人餘黥隸嶺南卒選如初 又按志康定元年頒銅符木契傳信牌銅符上篆刻曰某處發兵符下鑄虎豹爲飾而中分之右符五左旁作虎豹頭四左符五右旁爲四竅令可勘合又以篆文相向側刻十千字爲號一甲已乙乙庚三丙辛四丁壬五戊癸左符刻十千半字右符止刻甲已等兩半字右五符畱京師左符降總管鈐轄知州軍官高者掌之凡發兵樞密院下符一至五周而復始指揮三百人至五千人用一虎一豹符五千人已上用雙虎

豹符樞密院下符以右符第一爲始內匣中緡印之命使者齎宣同下云下第一符發兵與使者復緡右符以還仍疾置聞所在籍下符資次日月及兵數毋得付所司其木契上下題某處契中剖之上三枚中爲魚形題一二三下一枚中刻空魚令可勘合左旁題云左魚合右旁題云右魚合上三枚畱總管鈐轄官高者掌之下一枚付諸州軍城砦主掌之總管鈐轄發兵馬百人已上先發上契第一枚貯以韋囊緡印之遣指揮齎牒同往所在驗下契與上契合即發兵復緡上契以還仍報總管鈐轄其發第二第三契亦如之掌契官籍發契資次日月及兵數以爲驗傳信牌中爲池槽藏筆墨紙令主將掌之每臨陣傳命書紙內牌中持報兵官復書事宜內牌中而還主將密以字爲號驗毋得漏洩軍中事呂夷簡言自元昊反被邊城砦各爲自守計萬一賊有奔衝卽關輔驚擾雖夏竦等屯未與其兵少自未與距鄜延環慶諸路皆數百里設有急緩內外不能相救請募勇敢士三萬訓以武技分置十隊以有謀勇者三人將之分營未與西寇至則舉烽相應或乘勢討擊進退不以地分並受夏竦等節制詔從之初趙元昊反以夏竦陳執中知未與軍節度陝西諸軍久之無功乃析秦鳳涇原環慶鄜延爲四路以秦渭慶延知州分領本路馬步軍是歲罷銅符木契詔曰陝西屯重兵營本路租稅益以內庫錢帛并西川歲輸而軍儲猶不足宜度隙地爲營田務四路總管轉運悉兼領使又按志當仁宗時神銳忠勇強壯久廢忠順保毅僅有存者康定初詔河北河東添籍強壯河北凡二十

九萬三千河東十四萬四千皆以時訓練自西師屢剽正兵不足乃籍陝西之民三丁選一以爲鄉弓手未幾刺充保捷爲指揮一百八十五分戍邊州西師罷多揀放焉 又按志環慶二州復有砦戶康定中以沿邊弓手涅手背充有警召集防戍與保毅弓手同 又按志河北河東強壯至康定初州縣不復閱習其籍多亡乃詔二路選補增其數爲伍保迭糾遊惰及作奸者二十五人爲團置正副都頭各一人五都爲指揮使各以階級伏事年二十繫籍六十免取家人或他戶代之歲正月縣以籍上州州以籍奏兵部按舉不如法者 又按志康定初趙元昊反西邊用兵詔募神捷兵易名萬勝爲營二十所募多市井選悞不足以備戰守是時禁兵多戍陝西並邊上兵雖不及等然驍勇善戰京師所遣戍者雖稱魁頭大率不能辛苦而摧鋒陷陣非其所長又北戍及川峽荆湘嶺嶠間多不便習水土故議者欲益募土兵爲就糧於是增置陝西番落保捷定功河北雲翼有馬勁勇陝西河北振武河北北京東武衛陝西京西壯勇延州青澗登州登海弩手京畿近郡亦增募龍騎廣勇廣捷虎翼步關步武復升河北招收無敵廳子馬陝西制勝并州克戎騎射麟州飛騎府州威遠秦州建威慶州有馬安塞保州威遠安肅軍忠銳嵐州建安登州平海皆爲禁兵增內外馬步凡數百營又京東西河北河東江淮荆湖南浙福建路各募宜毅大州二營小州一營凡二百八十人皆嵐軍別置牀子弩砲手時吏以所募多寡爲賞罰格諸軍子弟悉聽隸籍禁軍闕額多選本城補填故慶曆中外禁廂

軍總一百二十五萬視國初為最多西師既罷上患兵冗帑庾不能給乃詔省兵數萬人

按玉海康定元年十二月乙酉諸路籍鄉兵所籍強壯河北二十九萬河東十四萬命端明判兵部李淑及賈昌朝王洙郭橈同詳定其制先是吳遵路議復民兵籍籍河東鄉丁下其法於諸路又命王洙同判兵部修鄉兵制度

慶曆元年置宣毅萬勝護塞諸軍涇原路強壯弓箭手罷銅符木契

按宋史仁宗本紀元年春二月辛亥京東西淮浙江南荆湖置宣毅軍夏五月丁卯罷陝西經略安撫沿邊招討都監六月壬辰詔陝西總管司嚴邊備毋輒入賊界賊至則禦之秋七月壬戌置萬勝軍凡二十指揮八月乙巳募民間材勇者補神捷指揮冬十月己亥罷銅符木契十一月壬子置涇原路強壯弓箭手十二月甲午置陝西護塞軍 按兵志番兵者具籍塞下內屬諸部落團結以為藩籬之兵也西北邊羌戎種落不相統一保塞者謂之熟戶餘謂之生戶陝西則秦鳳涇原環慶鄜延河東則石隴麟府其大首領為都軍主百帳以上為軍主其次為副軍主都虞候指揮使副兵馬使以功次補者為刺史諸衛將軍諸司使副使承制崇班供奉官至殿侍其充本族巡檢者奉同正員月添支錢十五千米麪像馬有差刺史諸衛將軍請給同蕃官例首領補軍職者月奉錢自三千至三百又歲給冬服綿袍凡七種紫綾三種十將而下皆給田土康定初趙元昊反先破金明砦殺李士彬父子蕃部既潰乃破塞門安遠皆圍延

州二年陝西體量安撫使王堯臣言涇原路熟戶萬四百七十餘帳之首領各有職名曹瑋帥本路威令明著常用之以平西羌其後守將失於撫馭浸成驕黠自元昊反鎮戎軍及渭州山外皆被侵擾近界熟戶亦遭殺擄蕃族之情最重酬養因其豐隙而激怒之可復得其用請遣人募首領願效用者籍姓名及士馬之數數及千人聽自推有謀勇者授班行及巡檢職名使將領出境破蕩生戶所獲財畜官勿檢數得首級及傷者給賞仍依本族職名還補增奉詔如所請 按康定二年十一月乙丑改元慶曆 又按志慶曆初詔陝西沿邊丁壯悉刺為保捷軍唯秦州增置及三千人環慶保安亦各籍置是時諸州總六千五百十八人為指揮三十一 又按志大順城西谷砦有強人弓手天禧慶曆間募置番戍為巡徼斥候日給糧人賦田八十畝能自備馬者益賦四十畝遇防秋官給器甲下番隨軍訓練為指揮六 又按志陝西護塞慶曆元年募土人熟山川道路蕃情善騎射者涅臂充二百人為指揮自備戎械就鄉閭習武技季一集州教閱無事放營農月給鹽茗有警召集防守即慶給之無出本路

慶曆二年籍河北河東強壯為義勇軍並置北平軍澄海軍詔恤陣亡將校後 按宋史仁宗本紀二年春正月壬戌詔以京西閒田處內附蕃族無親屬者遣使河北募兵及萬人者賞之二月乙未詔河北強壯刺手背為義勇軍六月癸未以特奏名武藝人補三班丙戌置北平軍秋七月丁未詔將校戰沒無子孫者賜其家緡錢冬十月戊午發定州禁軍二萬二千人屯涇原庚申詔恤將校陣亡其妻女無依者養之官中 按兵志慶曆二年悉揀河北河東強壯以為義勇不預者釋之而存其籍以備守葺城池而河東強壯自此浸廢矣其募於河北者舊給塘泊河淤之田力不足以耕重苦蕃教應募者寡 又按志慶曆二年籍河北強壯得二十九萬五千揀十之七為義勇且籍民丁以補其不足河東揀籍如河北法其後議者論義勇為河北伏兵以時講習無待儲廩得古寓兵於農之意惜其束於列郡止以為城守之備誠能令河北邢冀二州分東西兩路命二郡守分領以時閱習寇至即兩路義勇翺集赴援使其腹背受敵則河北三十餘所常伏銳兵矣朝廷下其議河北帥臣李昭亮等議曰昔唐澤潞留後李抱真籍戶丁男三選其一農隙則分曹角射歲終都試以示賞罰三年皆善射舉部內得勁卒二萬既無廩費府庫益實乃繕甲兵為戰具遂雄視山東是時天下稱昭義步兵冠於諸軍此近代之顯効而或謂民兵祇可城守難備戰陣非通論也但當無事時便分義勇為兩路置官統領以張用兵之勢外使敵人疑而生謀內亦搖動衆心非計之得姑今

在所點集訓練三二年間武藝稍精漸習行陣遇有警得將臣如抱負者統馭制其陣隊示以賞罰何敵不可戰哉至於部分布列量敵應機繫於臨時便宜亦難預圖元河北河東皆邊州之地自置義州縣以時按閱耳目已熟行固無疑詔如所議 是年詔已發十三萬戍末與委總管司部分閱教歲以八月遣萬五千人戍涇原儀渭州鎮戎軍十二月以萬五千人代至二月無警即還歲以為常葛懷敏等喪師命范仲淹韓琦龐籍復統四路軍期中覆不及者以便宜從事四年夏人已納款乃罷 又按志咸平四年募河北勇銳充強人慶曆二年環州亦募涅手背自備戎械并馬置押官甲頭隊長戶四等以下免役上番防守月給奉廩 又按志河北河東陝西義勇慶曆二年選河北河東強壯并抄民丁涅手背為之戶三等以上置弩一當稅錢二十三等以下官給各營於其州歲分兩番訓練上番給奉廩犯罪斷比廂軍下番比強壯 又按志知青澗城种世衡奏募蕃兵五千涅右手虎口為忠勇字隸折馬山族言者因請募熟戶給以禁軍廩賜使戍邊悉罷正兵下四路安撫使議環慶路范仲淹言熟戶戀土田護老弱牛羊遇賊力戰可以藩蔽漢戶而不可倚為正兵大率蕃情詐畏強陵弱常有以制之則服從可用如倚為正兵必至驕蹇又今蕃部都虞候至副兵馬使奉錢止七百悉無衣廩若長行遠待禁兵奉給則蕃官必生微望况歲罕見敵何用長與廩給且錢入熟戶蕃部資市羊馬青鹽轉入河西亦非策也若遇有警旋以金帛募勇猛為便議遂格 又按志荆湖路義

軍士丁弩手不見創置之始北路辰豐二州南路全邵道末四州皆置蓋溪洞諸蠻保據嚴險叛服不常其控制須土人故置是軍皆選自戶籍獨免徭賦蕃戍皆柵大率安其風土則罕嬰瘴毒知其區落則可制役猶其校長則有都指揮使副都指揮使指揮使副指揮使都頭副都頭軍頭頭首探所招安頭首十將節級皆敘功遷補使相綜領施之西南實代王師有禦侮之備而無饋餉之勞其後荆南歸峽鼎郴衡桂陽亦置慶曆二年北路總一萬九千四百人南路總五千一百五十人番戍諸若或以歲或以季或以月上番人給口糧有功遷補自都副指揮使歲給綿袍月給食錢指揮使給食錢指揮給紫大綾綿袍都頭已上率有廩給

按玉海慶曆二年九月壬子置福建廣東西澄海軍各兩指揮十一月庚辰置登州澄海水軍

慶曆三年詔錄死事將校後置德順軍田况請簡汰諸軍從之涇原路城砦置強人

按宋史仁宗本紀三年春正月戊子詔錄將校死王事而無子孫者親屬辛卯置德順軍秋九月桂陽洞蠻寇邊湖南提刑募兵討平之 按兵志慶曆三年詔韓琦田况選京師奉錢五百已上禁軍武技精捷者營取五人樞密院籍記姓名以備驅使况因言今天下兵踰百萬視先朝幾三倍自昔養兵之尤末有若是且諸路宣毅廣勇等軍孱弱甚大不堪戰小不堪役宜分遣官選不堪戰者降為廂軍不堪役者釋之上然其言 又按志慶曆二年環州募涅手背充強人三年涇原路被邊城砦悉置

慶曆四年詔優恤戰傷諸軍賜給死事者有差詔以捧日天武將校補外職

按宋史仁宗本紀四年春二月甲寅罷陝西四路馬步軍都總管經略安撫招討使復置隨路都總管經略安撫招討使六月癸丑詔諸軍因戰傷廢停不能自存及死事之家孤老月給米三斗秋九月壬戌詔保州官吏死亂兵而無親屬者官為殯斂兵官被害及戰沒並賜復其家 按兵志四年四月帝謂輔臣曰湖廣擊蠻吏士方夏瘴熱而罹疾者衆宜遣醫往為診視 又按志慶曆四年詔捧日天武選退將校超三資餘超二資悉補外職

慶曆五年詔諸軍選補如舊制

按宋史仁宗本紀不載 按兵志五年真定府定州路都總管司奏奉詔閱教軍士選補階級弓射九斗至一石距棚七十步至百步射最親者為第一等其閱教時弓不必引滿力競即發務在必中伏緣舊例軍中揀節級以挽強引滿為勝今一旦取射親者為第一等其弓力止九斗一石箭雷三兩指而退素習挽強引滿之士於理未便詔諸軍選補級用舊例遇閱教即如近制

慶曆六年詔徙廣南戍兵避瘴毒分河北兵為四路揀諸路戍回兵為捧日諸軍

按宋史仁宗本紀六年春正月戊申徙廣南戍兵善地以避瘴毒 按兵志六年詔騎軍以盛夏出成馬多道死自今以八月至二月遣發又詔廣南方春瘴

瘴戍兵在邊者權休善地其自嶺外戍回軍士予休兩月李昭亮上言舊制調發諸軍先引見試以戰陣

第七四三冊 之〇七葉

經濟彙編政典第二十三卷兵制部

古今圖書集成

第七四三冊 之〇七葉

經濟彙編政典第二十三卷兵制部

古今圖書集成

第七四三冊 之〇七葉

邊補校長今或不暇試戰陣請選強壯有武技者每十人引見轉資後遣詔可時契丹使來議關南地朝廷經制河北武備議者欲增兵屯程琳自大名府徙安撫陝西上言曰河朔地方數千里連城三十六民物繁庶川原坦平自景德以前邊數有警官軍雖衆罕有成功蓋定州眞定府高陽關三路之兵形勢不接召發之際交錯非便况建全魏以制北方而兵隸定州眞定府路其勢倒置請以河朔兵爲四路以鎮定十州軍爲一路合兵十萬人高陽關十一州軍爲一路合兵八萬人滄霸七州軍爲一路合兵四萬人北京九州軍爲一路合兵八萬人其駐泊鈴轄都監各掌訓練使士卒習聞主將號令緩急即成部分天子其章判大名府夏竦奏鎮定二路當內外之衝萬一有警各籍重兵控守要害迭爲應援若合爲一則兵柄太重減之則不足以備敵又滄州久隸高陽關道里頗近瀕海斥鹵地形沮洳東北三百里野無民居非賊蹊徑萬一有警可決漳御河東灌塘淀隔越賊兵未易奔衝不必別建一路惟北京爲河朔根本宜宿重兵控扼大河南北內則屏蔽王畿外則聲援諸路請以大名府澶懷衛濱棣德博州通利軍建爲北京路四路各置都總管副都總管一人鈴轄二人都監四人平時祇以河北安撫使總制諸路有警即北京置四路行營都總管擇曾任兩府重臣爲之議未決竦入爲樞密使賈昌朝判大名府復命規度昌朝請如竦議惟保州沿邊巡檢并雄霸滄州界河二司兵馬國初以來拓邊最號強勁今未有所隸請立沿邊巡檢司隸定州路界河司隸高陽關路於是

下詔分河北兵爲四路北京澶懷衛德博濱棣州通利保順軍合爲大名府路瀛莫雄霸冀冀滄州未靜乾寧保定信安軍合爲高陽關路鎮邢洛相趙磁州合爲眞定府路保深祁州北平廣信安肅順安未寧軍合爲定州路凡兵屯將領悉如其議韓琦謂兵勢大分請合定州眞定府爲一高陽關大名府爲一朝廷以眞甫新不報詔四路兵依陝西遣部將往來按閱又詔自今兵戍回揀捧日龍衛天武神衛等軍慶曆七年以河北忠順與正兵參成招廣南水軍以忠敢澄海備戰守又以諸路廂軍試補禁衛立獨轅弩軍

按宋史仁宗本紀不載 按兵志河北忠順自太宗朝以瀛莫雄霸州乾寧順安保定軍置忠順凡三千人分番巡徼沿邊戰糧巡檢司自十月悉上人給糧二升至二月輪半營農慶曆七年夏竦建議與正兵參成 又按志招收廣南巡海水軍忠敢澄海雖日廂軍皆予旗鼓訓練備戰守之役 又按志七年諸路募廂軍及五尺七寸已上者部送闕下試補禁衛 按郭路傳慶曆七年詔知汾州未行言獨轅弩可試改鄭延路兵馬鈴轄許置弩五百募土兵教之既成經略使夏安期言其便詔立獨轅弩軍

慶曆八年以河北水募饑民爲軍 按宋史仁宗本紀八年秋七月戊戌以河北水令州縣募饑民爲軍 按兵志八年河北忠順軍以水珍多連亡者權益正兵代其關額 按玉海慶曆八年臣僚言皇城司在內最爲煩劇祖宗任爲耳目之寄近年員數倍多並不選擇乞止差

四員選經歷有心力沈厚之人 皇祐元年汰河北諸軍

按宋史仁宗本紀不載 按兵志皇祐元年揀河北河東陝西京東西禁廂諸軍退其罷廢爲半分甚者給糧遣還鄉里係化外若以罪隸軍或嘗有戰功者悉以剩員處之 又按志元年發禁兵十指揮戍京東以歲饑備盜詔陝西邊警既息士兵可備守禦東軍屯戍者徙內郡以省餉饋 又按志皇祐元年詔諸路就糧兵闕將校須轉補滿三年聽遷又詔將帥麾下兵非有戰功毋得請遷隸上軍

皇祐二年川峽增置寧遠

按宋史仁宗本紀不載 按兵志皇祐二年川峽增置寧遠 又按志二年詔如聞河北諸屯將校有老疾廢事而不知退有善部勒著勞効而不得進帥臣監司審察密以名聞

皇祐三年詔河北四路總管選軍送闕

按宋史仁宗本紀不載 按兵志三年韓琦奏河北就糧諸軍願就上軍者許因大閱自言若等試中格舊無罪惡即部送關量材升補乃詔四路都總管司自今春秋閱委主管選長五尺六寸已上弓一石五斗弩三石五斗者并家屬部送闕

皇祐四年詔擇廣銳軍赴廣南行營又以土兵代戍

按宋史仁宗本紀四年冬十月丙子詔鄭延環慶涇原路擇蕃落廣銳軍各五十人赴廣南行營 按兵志四年詔戍兵歲滿有司按籍遠者前二月近者前一月遣代戍還本營聽休五月又詔廣西戍兵及二

年而未得代者罷歸鈴轄可以土兵歲一代之自儆  
智高之亂戍兵踰二萬四千至是聽還而令土兵代  
戍 又按志皇祐四年河北忠順軍權放業農後不  
復補

皇祐五年禁私役軍人立騎射威邊壯武威勇軍

按宋史仁宗本紀五年二月甲申敕廣南凡戰歿者  
給槨積護送還家無主者葬祭之 按兵志皇祐五

年涇毅都總管程戡上言陝西保毅近歲止給役州  
縣無復責以武技自縣刺為保捷而家猶不免於保  
毅之籍或折賣田產而得產者以分數助役今秦州

僅三千人久廢農業請罷遣詔自今敢私役者計備  
坐之 又按志皇祐五年江淮荆湖置教閱忠節州

一營大州五百人小州三百人於是宣毅浸廢不復  
補而荆湖廣南益募雄略 又按志皇祐中河北水

災農民流入京東三十餘萬安撫使富弼募以為兵  
拔其尤壯者得九指揮教以武技雖廩以廂兵而得

禁兵之用且無驕橫難制之患詔以其騎兵為教閱  
騎射威邊步兵為教閱壯武威勇分置青萊淄徐沂

密淮揚七州軍征役同禁軍

至和元年河北河東陝西募就糧兵詔陳許諸州屯

禁兵

按宋史仁宗本紀不載 按兵志至和元年河北河

東陝西募就糧兵騎以四百人步以五百人為一營

又按志詔陳許鄆滑曹州各屯禁兵三千

至和二年代州岢嵐等軍募弓箭手墾種邊田

按宋史仁宗本紀不載 按兵志慶曆中河東都轉  
運使歐陽修言代州岢嵐寧化火山軍被邊地殘二

三萬頃請募墾種充弓箭手詔宣撫使范仲淹議以  
為便遂以岢嵐軍北草城川禁地募人拒敵界十里

外占耕得二千餘戶歲輸租數萬斛自備弓馬渥手  
背為弓箭手既以并州明鎬阻議而止至和二年韓

琦奏訂鎬議非是曰昔潘美思契丹數入寇遂驅旁  
耕民內徙苟免一時失備之咎其後契丹講和因循

不復許人復業遂名禁地歲久為戎人侵耕漸失疆  
界今代州寧化軍有禁地萬頃請如草城川募弓箭

手可得田千餘戶下并州富弼議弼請如琦奏詔具  
為條視山坡川原均給人二項其租秋輸川地畝五

升坂原地畝三升毋折變科徭仍指揮即山險為屋  
以便居止備征防無得擅役先是麟府豐州亦以閒

田募置人結屋貸口糧二石而德順軍靜邊砦壕外  
弓箭手尤為勁勇夏人利其地數來爭占朝廷為築

堡戍守至治平末河東七州軍弓箭手總七千五百  
人陝西十州軍并砦戶總四萬六千三百人 又按

志至和二年廣桂邕州置有馬雄略明年併萬勝為  
十營

嘉祐二年改定等杖詔定騎射威邊等軍轉補

按宋史仁宗本紀不載 按兵志嘉祐二年復定等

杖自上四軍至武肅忠靖皆五尺已上差以寸分而  
視其奉錢一千者以五尺八寸七寸三寸為三等奉

錢七百者以五尺七寸六寸五寸為三等奉錢五百

者以五尺六寸五寸五分為三等奉錢四百者以五

尺五寸四分五寸五分為二等奉錢三百者以五尺五寸  
四寸五分四分三寸二寸為六等奉錢二百者以五  
尺四寸三寸五分三寸二寸為四等不給奉錢者以

五尺二寸或下五寸七指八指為等唯武嚴御營喝  
探以藝精者充諸司筦庫執技者不設等杖 又按

志二年詔神衛水軍等以五年諸司庫務役兵以三

年一揀 又按志嘉祐二年詔京東教閱本城騎射  
威邊威勇壯武自初募置即給鼓旗閱教以代禁軍

如有員闕聽遞遷至副指揮使止轉補後滿三歲闕  
三分已上即舉行其指揮使闕即步軍司補之

嘉祐四年詔荆南等州募就糧軍兼遣禁軍駐泊選  
武臣為都監又詔西路置步兵指揮李昭亮請補河

北義勇

按宋史仁宗本紀不載 按兵志議者謂東南雖無

事不宜弛備嘉祐四年乃詔荆南江寧府揚廬洪潭  
福州募就糧軍號威果各營於本州又益遣禁軍駐

泊長吏兼本路兵馬鈐轄選武臣為都監專主訓練  
於是東南稍有備矣 又按志嘉祐四年復詔西路

於鄆濮齊兗濟單州置步兵指揮六如東路法於是  
東南州軍多置教閱廂軍皆以威勇忠果壯武為號

訓練如禁軍免其他役

按玉海嘉祐四年十一月二十二日大名帥李昭亮

請補河北義勇闕數自來年始河北總十八萬九千

人河東總七萬七千人陝西至治平初總十五萬六

千人

嘉祐五年選諸路遞鋪卒補禁軍置都監分督近畿

屯兵  
按宋史仁宗本紀不載 按兵志五年選京東西陝  
西河北河東本城半城河清棗御馬遞鋪卒長五尺  
三寸勝帶甲者補禁軍其嘗犯盜亡坐竊者配外州